

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik

Broj: 02/12-45-9806/22-1  
Sarajevo, 12.08.2022 godine

Na osnovu člana 70. stav 1. i 3. Zakona o javnim nabavkama ("Službeni glasnik", br. 39/14), člana 14. Pravilnika o nabavci roba, izvršenju usluga i ustupanju radova br. 09-05-26263/15 od 27.11.2015 godine, Pravilnika o izmjenama i dopunama Pravilnika o nabavci roba, izvršenju usluga i ustupanju radova br. 02/12-05-10708/18 od 16.05.2018. godine, Pravilnikom o uvjetima i načinu korištenja e-aukcije u predmetu javne nabavke - nabavka goriva i maziva za motorna vozila LOT 1 (otvoreni postupak objavljen na Portalu javne nabavke, broj obavještenja: 422-1-1-68-3-61/22 od 27.04.2022.g. i Sl glasniku BiH broj 26/22, predviđeno provođenje /e-aukcija) po preporuci Komisije za javne nabavke roba i usluga, Općinski načelnik, donosi

### **ODLUKU**

1. Prihvata se ponuda ponuđača HIFA PETROL DOO Sarajevo u predmetu -nabavka goriva i maziva za motorna vozila LOT 1 (otvoreni postupak objavljen na Portalu javne nabavke, broj obavještenja: 422-1-1-68-3-61/22 od 27.04.2022.g. i Sl glasniku BiH broj 26/22, sa ponudom u iznosu 78.990,11KM bez PDV-a, sa PDV-om 92.418,42 KM.
2. Zadužuje se Služba za zajedničke poslove da obavjesti učesnike u otvorenom postupku o donošenju Odluke o rezultatima okončanog postupka javne nabavke i izboru najpovoljnijeg ponuđača i da zaključi ugovor po konačnosti iste.
3. Obavezuje se ponuđač iz člana 1. ove Odluke da u roku od 5 (pet) dana od zaprimanja iste, dostavi dokumente koji se odnose na član 45. stav 2. tačka od a) do d) Zakona. Dokazi koji se zahtijevaju moraju biti original ili ovjerene kopije, i ne mogu biti stariji od 3 mjeseca računajući od momenta predaje ponude.
4. Protiv ove Odluke dozvoljena je žalba u roku od 10 dana od dana prijema iste, a koja odlaže izvršenje.

### **Obrazloženje**

Postupak javne nabavke – "Nabavka goriva i maziva za motorna vozila" LOT 1, " pokrenut je Odlukom o pokretanju postupka javne nabavke u skladu sa članom 18. Zakona o javnim nabavkama u Otvorenom postupku, objavljenom u Službenom glasniku BiH, br. 26/22 i Portalu javne nabavke, broj obavještenja 422-1-1-68-3-61/22 od 27.04.2022. godine.

Izveštajem i preporukom Komisije za javne nabavke, br. 02/12-45-9806 od 24.06.2022. godine izvršena je evaluacija ponuda, računaska kontrola i zakazana e – aukcija u sistemu javnih nabavki Agencije za javne nabavke BiH.

Nakon provedene e – aukcije utvrđena je konačna rang lista ponuđača, te je Izveštajem Komisije za javne nabavke, br. 02/12-45-9806 od 04.07.2022. godine data Preporuka za donošenje Odluke o izboru najpovoljnijeg ponuđača PETROL BH OIL COMPANY d.o.o. Sarajevo.

Na osnovu navedene Preporuke, donesena je Odluka o prihvatanju kao najpovoljnije ponude PETROL BH OIL COMPANY d.o.o. Sarajevo sa ponuđenom cijenom u iznosu od 87.750,00 KM sa PDV – om, br. 02/12-45-9806/22 od 12.07.2022. godine.

Protiv navedene Odluke ponuđač HIFA – PETROL d.o.o. Sarajevo izjavio je žalbu, dana 25.07.2022. godine. Postupajući u skladu sa članom 100. Zakona o javnim nabavkama, Komisija je Izveštajem br. 02/12-45-9806 od 26.07.2022. godine, utvrdila osnovanost navoda žalitelja. Naime, ponovnom analizom pristiglih ponuda utvrđeno da ponude ponuđača HIFA PETROL d.o.o. Sarajevo, BAUCOMERC d.o.o. Kiseljak i HIFA OIL d.o.o. Tešanj ispunjavaju uslove specificirane tenderskom dokumentacijom, dok ponuda ponuđača PETROL BH OIL COMPANY d.o.o. Sarajevo ne ispunjava propisane uslove.

Ponuda ponuđača PETROL BH OIL COMPANY d.o.o. Sarajevo ne ispunjava uslove iz tačke 4.1.4. tenderske dokumentacije, obzirom da su ispravke u ponudi na stranici 23., obrazac za cijenu ponude - Aneks 3. vršene na način da je korektorom korigovana cijena – ulja za podmazivanje gdje je navedena jedinična cijena 3,69, suprotno tenderskoj dokumentaciji i Uputstvu za pripremu modela tenderske dokumentacije i ponuda ("Službeni glasnik BiH, br. 39/14), a koje su trebale biti izrađene na način da su vidljive i potvrđene potpisom ponuđača, uz navođenje datuma ispravke, te da stavke u Aneksu 3. tenderske dokumentacije, pod rednim brojem 1., 2. i 6. nisu uopšte popunjene ili su popunjene nepravilno, odnosno izabrani ponuđač nije popunio na način da navede proizvođača robe, tip, vrstu ili klasu ili original u rubrici za artikal pod rednim brojem 6. Ad Blue koji uopće nije popunjen, a ostale rubrike za artikle pod rednim brojem 1 i 2 "Euro dizel (Bas en 590 10 ppm), Premium bezolovni benzin 95 (Bas en 228) upisano je samo "PLOČE", što nije u skladu sa tenderskom dokumentacijom

Kako je tačkom 1.5.6. tenderske dokumentacije predviđeno provođenje e – aukcije, Komisija je sačinila rang listu ponuđača za provođenje ponovnog postupka e – aukcije u sistemu javnih nabavki Agencije za javne nabavke BiH, kako slijedi:

1. HIFA PETROL d.o.o. Sarajevo sa ponudom 81.896,40 KM bez PDV- a,
2. BUCOMERC d.o.o. Kiseljak sa ponudom 82.397,75 KM bez PDV - a,
3. HIFA OIL d.o.o. Tešanj sa ponudom 84.505,80 KM bez PDV – a.

Shodno navedenom donesena je Odluka br. 02/12-45-9806/22 od 27.07.2022. godine kojom se uvažava žalba ponuđača HIFA – PETROL d.o.o. Sarajevo i stavlja van snage Odluka Općine Novi Grad Sarajevo, br. 02/12-45-9806/22 od 12.07.2022. godine o izboru najpovoljnijeg ponuđača PETROL BH OIL COMPANY d.o.o. Sarajevo.

Po konačnosti predmetne Odluke zakazana je ponovna e aukcija u sistemu javnih nabavki Agencije za javne nabavke BiH za 10.08.2022.g. Izvještajem o toku i završetku e-aukcije od 10.08.2022g., koji je preuzet iz sistema e- nabavke, konstatovano da je e-aukcija trajala od 14,10 h do 14,22 h. sa konačnom rang listom ponuđača koji su učestvovali u e- aukciji, kako slijedi;

- |                             |                     |                        |
|-----------------------------|---------------------|------------------------|
| 1. HIFA PETROL DOO Sarajevo | sa ponudom u iznosu | 78.990,11 KM bez PDV-a |
| 2. HIFA OIL D.O.O Tešanj    | sa ponudom u iznosu | 79.072,00 KM bez PDV-a |
| 3. BUCOMERC DOO Kiseljak    | sa ponudom u iznosu | 80.000,00 KM bez PDV-a |

Na osnovu navednog a u skladu članom 64. stav 1. tačka b) Zakona o javnim nabavkama, a primijenom kriterija „najniža cijena“, nakon provedene e- aukcije, odlučeno je kao u dispozitivu Odluke.

#### **Pouka o pravnom lijeku:**

Protiv ove Odluke dozvoljena je žalba u roku od 10 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

Obradila:  
Sekretar komisije za javne nabavke roba i usluga  
Džanković Natasa, dipl. pravnik

#### **DOSTAVITI:**

1. Služba za zajedničke poslove
2. U spis



Općinski načelnik  
Semir Efendić